



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 93. Pacis colloquia inter Albæ Ducem, & quosdam Cardinales.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

proponeret, quin imo Dux palam testatur, quod nulli unquam foederi consensurus esset, nisi Pontifex errore cognito sese foedus cum Regis Catholici hostibus perperam pepigisse, ac contra justitiæ leges hujus Principis subditos divexasse fateretur, eisque prius illorum bona, libertatemque redderet. Verum Summus Pontifex palam profitebatur, quod potius mortem subire paratus esset, quam indigno ejusmodi modo Sedis Apostolicæ honorem lædere vellet, quapropter totum negotium Venetis reliquit, ac Trivultium Cardinalem ad eos rogatum misit, quatenus ipsi sua auctoritate honestam pacem impetrare satagerent. Hoc negotium Veneti animo prorsus lubenti in se susceperunt, & mox Franciscum Trumentum, qui Reipublicæ a secretis erat, ad Albæ Ducem ablegarunt, ut ejus opera Dux ad pacem inclinaretur.

§. XCIII.

Pacis colloquia inter Albæ Ducem, & quosdam Cardinales.

Quamvis Albæ Dux nullo pacto ad pacem flecti posse crederetur, nihilominus aliorum, qui operam suam hac in re locabant, studio eo inducebatur, ut cum Caraffa, necnon cum Sanfloriano, & Vitellozzo Cardinalibus colloquium desu-

Hist. Eccle. Tom. XLII.

K k per

Sæcul. XVI.
A.C. 155.

Sæcul. XVI
A. C. 1557.

per institui consentiret, quod etiam die octava Septembris Cavii, quod Columnensium oppidum prius Dux occupaverat, celebratum fuit. Diu, acriterque hac super re præcipue de Marco Antonio, quem Papa a fœdere excludi voluit, disceptatum est: tandem vero post crebras altercationes ita transactum fuit, ut duo pacis diplomata ederentur, quorum primum publici juris fieret, alterum vero omnibus, excepto Pontifice, occultum permaneret, ac demum in horum primo sequentes decernerentur articuli. I. Albæ Dux Romam contendat, ac Paulo IV. nomine Regis Catholici obsequium præstet: II. Pontifex vicissim Regem Catholicum in gratiam recipiat, & Gallorum amicitiam renuntiet. III. Rex centum ei arces, & oppida hoc bello capta restituat, munitioribus solo æquatis; IV. Bona usurpata, & ærario publico addicta Pontifici reddat. V. Utrinque offensionum, injuriarum, & damnorum hoc bello datorum gratia omnibus fiat, nec fraudi cuiquam sit, alterutri militasse: VI. Palianum, ita uti nunc est, in manus Joannis Bernardini Carbonis Caraffarum cognati tanquam sequestris deponatur, qui obstricta utrique fide pacta inter partes conventa servaturum se obstringat, & cum octingentorum militum præsidio hanc

hanc urbem teneat, donec ex partium Sæcul. XVI.
A.C. 1557.
consensu aliter statuatur.

Ab hac tamen injuriarum oblivione excludatur Marcus Antonius Columna, necnon Ascanius Corneus, qui anathemate devincti permanebunt, quamdiu Summo Pontifici placuerit. Hæc ita Cavii die decima quarta Septembris per Caraffam Cardinalem, & Albæ Ducem firmata fuere.

§. XCIV.

Duplex pacis diploma, unum publicum, alterum secretum utrinque subscriptum.

Eodem die, ac loco clam in sequentes Thuan. l. 18.
n. 6.
hosce articulos conventum est. I. Pallav. c. 4.
n. 1. & 2.
Raynald.
n. 14.
Joannes Caraffa Paliani loco compensationem idoneam, Senatus Veneti arbitrio, qui pacis conciliatorem in eo negotio egerat, accipiat: dabatur autem Caraffæ Rossanum opulenta in Calabria civitas, quæ ei cum principatus titulo concessa est. II. Hac compensatione accepta, ac sequestre amoto Paliani munimenta diruantur. III. Idem Caraffa, qui olim Comes Montorius, nunc Paliani Dux appellabatur, jus omne in Palianum Philippo Regi cedat, ita, ut ille, in quem velit, transferre possit, si modo non sit juratus Pontificis hostis, aut di-